



ՀԱՄԻ ՍԱԽՅԱՆ

Փնտրում ես դու

Փնտրում ես դու ինչ-որ հանցանք,
Հեզնում ես ինձ ու չես ներում,
Բայց կա ինչ-որ մի կարեկցանք
Քո հեզնական ժպիտներում:

Հեզնում ես ինձ ու նախատում,
Բորբորում ես կոիվ ու վեճ,
Բայց կա ինչ-որ մի քաղցրություն
Քո դառնագին խոսքերի մեջ:

Ա՛խ, հոնքերդ ես հաճախ կիտում,
Նայում ես ինձ այնպես մռայլ,
Բայց կա ինչ-որ քնքշություն
Քո անողորմ դեմքի վրա:

Հաճախ այնպես խայթում ես դու,
Սրտիս այնպես վիշտ ես բերում,
Բայց կա ինչ-որ մտերմություն
Քո այդ օտար հայացքներում:

Մերթ փարվում ես ինձ հովի պես,
Մերթ հողմի պես ինձ չարչարում,
Ա՛խ, երբ այդպես շոյել գիտես,
Էլ ինչո՞ւ ես ցավ պատճառում: